

ԼԵՈՅԻ ՄԻ ԱՆՏԻՊ ԱՇԽԱՏՈՒԹՅՈՒՆԸ

ԻԼՅԻՉ ՍՆԽՁՑԱՆ

Վաստակաշատ պատմաբան Լեոն իր բազմաթիվ աշխատություններում ու հոդվածներում, անդրադառնալով հայ ազատագրական շարժման ու նրա կողմնորոշման հարցերին, սկզբից մինչև վերջ անց է կացրել այն միտքը, թե Ռուսաստանն էր այն միակ երկիրը, որ օբյեկտիվորեն շահագրգռված էր Անդրկովկասում թուրք-պարսկական տիրապետության տապալմամբ: Նա այս միտքն է զարգացրել հայ ազատագրական շարժման կողմնորոշման հարցերը քննելիս՝ սկսած հայերի ռուսական կողմնորոշման սկզբնավորումից մինչև Հայաստանում սովետական կարգերի հաստատումը:

Հայ ազատագրական շարժման ռուսական կողմնորոշման պատմությունը շարադրելիս Լեոն հիմնականում մերժեց կղերա-ազնվականական պատմագրության սուբյեկտիվ գնահատականները ցարիզմի քրիստոնեասիրության, մարդասիրության և անշահախնդրության մասին, միաժամանակ ցույց տալով, որ Ռուսաստանը միակ երկիրն էր, որի առաջխաղացումը դեպի Անդրկովկաս օբյեկտիվորեն նպաստում էր երկրամասի ժողովուրդների ազատագրական իղձերի իրականացմանը, և որ Վարևելյան հարց անունը կրող դարավոր հանգույցը միայն ռուսաց սրով պիտի կտրվի¹: Նա գտնում էր, որ այդ էր միակ ելքը Պարսկաստանի և Թուրքիայի կողմից ստրկացված ժողովուրդների համար, որովհետև Ռուսաստանը ճեղքում էր արևելքի բազմատանջ ժողովուրդներին կյանքի ու գույքի ապահովություն²:

Լեոն բարձր էր գնահատում Արևելյան Հայաստանի միացումը Ռուսաստանին, այն համարելով այնպիսի մի իրադարձություն, որին հայերը չէին մեռանդ հավատով սպասել էին մի շարք դարեր: Այդպիսի մի օրի ակնկալությունը նվիրական մի ուխտ էր, սրբազան մի ավանդ, որ սերնդից սերունդ էր անցնում իբրև միակ միաթարութուն մարտիրոսական տանջանքների մեջ³:

Լեոն իր աշխատություններում ցույց է տալիս նաև, որ Արևելյան Հայաստանի միացումը Ռուսաստանին է՛լ ավելի ուժեղացրեց արևմտահայերի ձգտումը՝ վերամիավորվելու ռուսական տիրապետության տակ անցած արևելահայության հետ: Այն ժամանակից, — դրում է Լեոն, — երբ ռուսաց իշխանությունը հաստատվեց Անդրկովկասում և սկսեց զենքի ուժով ոչնչացնել Պարսկաստանի տիրապետությունը, Թուրքիայի հայերը նույնպես աչք դարձրին դեպի հյուսիսային քրիստոնյա ազգը, նրա մեջ էին տեսնում այն ուժը, որ կարող էր ազատել իրենց Թուրքիայի լծից⁴:

¹ Լեոն, Գրիգոր Արծրունի, հ. 2, Թիֆլիս, 1902, էջ 399:

² Լեոն, Հայոց պատմություն (նորագույն ջրջան, ձեռագրի իրավունքով), մասն. Բ, իրավան, 1926, էջ 315:

³ Լեոն, Զանգուի ավերից (Վերիզուն, 1910, № 267):

⁴ Լեոն, Գրիգոր Արծրունի, հ. 2, էջ 407:

Անդրադառնալով արևմտահայության ազատագրական շարժման ու նրա կողմնորոշման հարցերին, Լեոն համոզիչ փաստերով ցույց է տալիս, որ թուրքական տիրապետությունն իր հաստատման առաջին իսկ օրից դաժան ճնշման ու կեղեքման արյունոտ ուժով էր հաստատել Արևմտյան Հայաստանում, որի անմիջական հետևանքն էլ եղավ հայ ժողովրդի անընդհատ ակտիվացող պայքարը թուրքական տիրապետության դեմ: Նա տեսնում էր, որ թուրքիայի տիրապետության տակ ապրող հայերի համար գոյություն չունեին կյանքի համար անհրաժեշտ ամենատարրական պայմաններ անգամ, որ թուրքական տիրապետության պայմաններում, կոտորածների ու արտագաղթների հետևանքով, հայ ազգաբնակչության թիվը անընդհատ նվազում էր: «Թուրքիայից հեռացող հայության համար,— գրում է նա,— դարերից ի վեր մի ընդհանուր պատճառ է գոյություն ունեցել և դա թուրքական իրականությունն է: Այդ իրականությունն այնպես էր, որ նույնիսկ հայտնի, նշանավոր մարդիկ էլ ոչ մի կերպով պաշտպանված չէին հարստահարություններից, բռնություններից»⁵:

Հայաստանում սովետական կարգերի հաստատումից հետո, մյուս առաջագիծ հայ մտավորականների նման, Լեոն անմիջապես կանգնեց սովետական կարգերի պաշտպանության դիրքերում: Արշակ Չոպանյանին գրած նամակում այդ առթիվ նա գրում է. «Հայաստանի ներկա կառավարությունը աշխատում է անխնայ ու անդադար, որպեսզի կարողանա մեղ վիճակված փոքր հողամասը, որքան կարելի է շատ բարենպաստ դարձնելու տնտեսական առաջադիմության համար: Բավական է Ձեզ հիշեցնել միայն մի ձեռնարկություն... Շիրակի ջրանցքը»⁶:

Հայաստանում սովետական կարգերի հաստատումից հետո Լեոն փորձեց վերանայել իր աշխարհայացքը, և այդ տարիներին նրա գրած աշխատությունները ինչ-որ չափով իր ամբողջ գիտական ժառանգությունը վերանայելու փորձ էին: Սակայն պատմությանը մատերիալիզմի դիրքերից մոտենալու Լեոյի փորձերը մասամբ միայն հաջողվեցին: Իր աշխարհայացքը վերանայելու փորձերում Լեոն 1920-ական թվականներին զերծ չմնաց վուլգար սոցիոլոգիզմի ազդեցությունից, որը նրան հանգեցրեց սխալ հետևությունների նաև հայ ժողովրդի ռուսական կողմնորոշման հարցում: Այս կապակցությամբ վերջին շրջանում սովետահայ պատմագրության մեջ միտում է նկատվում Լեոյի պատմագիտական ժառանգությունը գնահատելիս շեշտը դնել նշված տարիներին գրված նրա աշխատություններում տեղ գտած իսկապես սխալ տեսակետների վրա, զանց առնելով նրա տղջ գիտական ժառանգությունը: Մեր կարծիքով՝ մանավանդ անընդունելի է, երբ փորձ է արվում այդ սխալները ներկայացնել որպես Լեոյի աշխարհայացք ընդհանրապես: Այնինչ, կարծում ենք, այս հարցում Լեոյի ամբողջական տեսակետը պարզելու համար ելակետ պետք է ընդունել ոչ թե 1920-ական թվականներին թույլ տված առանձին սխալները, այլ նրա նախասովետական շրջանի շուրջ 40 տարվա գիտական հարուստ ժառանգությունն ամբողջությամբ վերցրած: Հայ-ռուսական հարաբերությունների գնահատման տեսանկյունից մոտենալով խնդրին, պիտի նշենք, որ այդ ժառանգությունը գիտակցումն է այն բանի, որ միայն Ռուսաս-

⁵ Նույն տեղում, հ. 1, էջ 5:

⁶ Ի. Չարենցի անվան գրականության և արվեստի թանգարան, Չոպանյանի արխիվ, Լեոյի նամակը Ա. Չոպանյանին (Մ 2843):

տանն ու ոռւս ժողովուրդն էին, որ կարող էին սատար լինել հայ ժողովուրդին՝ պարսկա-թուրքական բռնապետութիւններէ դեմ նրա մղած դարավոր պայքարում:

Խնդրո առարկայ հարցի լուսաբանման, ինչպէս նաև Լեոյի հայացքների ուսումնասիրման տեսակետից առհասարակ, որոշակի հետաքրքրություն ունի Լեոյի մի անտիպ աշխատությունը, որը գտնվում է Լեոյի հարազատների մոտ, Թբիլիսիում: Աշխատությունը բաղկացած է մոտ քսան աշակերտական տետրերից: Այնտեղ լուսաբանվում են հայ ժողովուրդի վիճակը և ազգային-ազատագրական շարժման ծավալումը Արևմտյան Հայաստանում 1850—1870-ական թվականներին: Աշխատության մեջ արտացոլված Լեոյի հայացքների, ինչպէս նաև ձեռագրի զննությունը մեզ բերել են այն համոզման, որ աշխատությունը դրվել է նախասովետական շրջանում, հավանաբար, համաշխարհային պատերազմի տարիներին, կամ պատերազմից անմիջապէս առաջ: Այս աշխատության սկիզբն ու վերջը չկան, այն շունչ թվական և չի էջակալված:

Աշխատության մեջ հակադրվելով այն տեսակետին, թե մինչև 1878 թ. հայ ժողովուրդի վիճակը Թուրքիայում բարվոք էր, Լեոն վկայակոչում է 1876 թ. Կ. Պոլսի պատրիարքարանի կողմից հրատարակված «Տեղեկագիր գավառական հարստահարություն» ժողովածուն: «Ազգային պատրիարքարանի այդ պաշտոնական հրատարակությունը,— գրում է նա,— մի շատ թանկագին պաշտոնական վավերագիր է, որի մեջ երևում է թուրքական դժոխքի հարազատ, ապացուցված պատկերը... Կարդալով այդ անպաճույճ, պաշտոնական սառն ոճով գծագրված էջերը, մենք հասկանում ենք, թե սրբան թշվառ է մի խաղաղ կուլտուրական ժողովուրդ, ասիական բարբարոս կարգերի այդ անսահման բռնակալության տակ: Բերված փաստերից եզրակացնում է, թե քանի գոյություն ունեն թուրքական բռնապետական կարգերը, հայ ժողովուրդն իր վիճակի որևէ բարելավում սպասել չի կարող: Նկարագրելով Արևմտյան Հայաստանի վիճակը 1840-ական թվականներին, նա գրում է. «Քրդստանը 40-ական թվականների կեսին դարձյալ զորեղ շարժում սկսեց... քրիստոնյա ազգաբնակչության համար նորից դառն օրեր սկսվեցին: Վանի, Մուշի, Տիգրանակերտի, Բալուի, Բաղեշի և այլ տեղերի հայությունը դառն հարստահարությունների ենթարկվեց, կեղեքվում էր կատաղած վայրենիների ձեռքով, որոնց արարքներին հանդարտ ու անտարբեր էին նայում Վանի ու Էրզրումի թուրք իշխանավորները: Ոչինչ միջոցներ ձեռք չառան այդ փաշաները և հայտնի է, որ նրանք ստանում էին քրդական ավարներից հայտնի մաս»:

Այնուհետև Լեոն վկայակոչում է 1855 թ. Կովկասյան ռազմաճակատում գործող զեներալ Լիխուտինի աշխատությունը, որտեղ նույնպէս հանգամանորեն նկարագրված են հայ ժողովուրդի ապրած սարսափները թուրքական տիրապետության տակ՝ 1850-ական թվականներին:

Լեոն համոզիչ փաստերով ցույց է տալիս, որ հայերը մասսայաբար կողոպտվում և անպատվվում էին ոչ առանց կենտրոնական կառավարության գիտության: «Անգլիացի Ֆրեդերիկ Մելինգեն,— գրում է Լեոն,— որ ծառայում էր թուրքական զորքերի մեջ Օսման Սեյֆի-բեյ անունով, հետևյալն է պատմում. «...1863 թվին Մուշի փաշալքում հայերը բացարձակ ապստամբվեցին իրենց հարստահարող քրդերի դեմ, հետո պատգամավորություն ուղարկեցին Կ. Պոլիս, պարտավորեցնելով նրան նկարագրել սուլթանական կառավարության առաջ իրանց կրած ասանջանքները և խնդրել պաշտպանություն»:

Ֆուադ փաշան (մեծ վեզիր), անտարբեր լսելով հայ պատգամավորներին դանգատները, ընթացք չտվեց նրանց արդարացի գործին: Իսկ երբ հայերը մեծ վեզիրին հայտնեցին, թե հայ ազգաբնակչութիւնը ստիպված կլինի գաղթել Ռուսաստան, որպեսզի գոնե դրանով ազատված լինի քրդական բռնակալութիւնից, Ֆուադ փաշան բարկացած աղաղակեց. «Կորեք ուր ուզում եք»:

... 1865 թ. նույն փաշալըի հայ համայնքները նորից ապստամբվեցին կատաղի թափառականների դեմ և Կ. Պոլիս ուղարկեցին մի նոր պատգամավորութիւն՝ բաղկացած 24 հոգուց, այս անգամ իրան, սուլթանին խնդրեք տալու Հստ սովորութեան, խնդրեք հանձնվեց Ֆուադ փաշային, իսկ նա վճռեց բանտարկել տասնհինգ պատգամավորներ...: Այսինքն թե ինչպես հանդգնեցին զանգատվել փառիշահին»:

Լեոն հետաքրքիր փաստ է վկայակոչում, որտեղ թուրքական մեծ վեզիրն անգամ 1876 թ. խոստովանում էր, թե հայերի վիճակը մի քանի տասնամյակ առաջ ավելի վատ էր: «2000 հոգուց բաղկացած մի ամբողջ սեպտեմբերի 5-ին (1876 թ.),— գրում է Լեոն,— ուղղակի դիմում է մեծ վեզիրին, պահանջում է, որ հարստահարութիւններին վերջ տրվի: Մեծ վեզիրը խոստանում է մի քանի օրից պատասխան տալ: Եվ իրավ 8-ին բողոքողների կողմից ընտրված ութ պատգամավորների պատասխանում է՝ բայց ի՞նչ: Մի քանի տասնյակ տարի առաջ հարստահարութիւնները զավառում ավելի շատ էին,— ասաց նա,— այժմ 80 տոկոս պակաս է: Ուրեմն բողոքողները դեռ պիտի գոհ լինեն, թե չէ կարող էր ավելի վատ լինել»:

Լեոն նկատում է նաև, որ շատ դեպքերում թուրք ու քուրդ խաժամուժը գործում էր թուրքական կառավարութեան ուղղակի հրահանգներով: Նկարագրելով 1876 թ. դեկտեմբերի 1-ին Վանի շուկայում բռնկած հրդեհը, նա գրում է. «Վանեցի հայը նկատել էր և մի ուրիշ բան: Ներսես պատրիարքը դանգատներ էր գրում, իսկ Բ. Դուռը պատասխանում էր նրան զանազան խոստումներով, սակայն տեղական իշխանութիւնները ոչ միայն նկատի չէին առնում բարձր կառավարութեան հրապարակական խոստումները, այլև ավելի սաստկացնում էին իրենց ապօրեն արարները»:

Արդյոք սա չէ՞ր նշանակում, որ խոստումներ անող Բ. Դուռը գաղտնի հրահանգներով ոգևորում էր իր ստորագրյալներին կարելի եղածին չափ հանդուգն ու անվախ լինել իրանց գործողութիւնների մեջ»:

Քննելով արեւմտահայ սահմանադրութեան հարցը, Լեոն գտնում է, որ այն չէր կարող որևէ էական փոփոխութիւն մտցնել հայկական կյանքում, որովհետև հայերի ծանր վիճակը բխում էր թուրքական կառավարութեան էութիւնից, և քանի դեռ պահպանվում էր սուլթանի ֆեոդալական բռնապետական ուժիւնը, անհնար էր հայ ժողովրդի վիճակի որևէ բարելավում սպասել: «Ահագին ոգևորութեամբ ողջունված սահմանադրութիւնը,— գրում է Լեոն,— տվեց այն հիմնարկութիւնները, այն կենտրոնացումը, այն գաղառական ժողովները, որոնք պիտի բարեկարգեին գաղառացու կեցութիւնը: Բայց թուրքահայերի այս ամենամեծ օրենսդրական առաջադիմութիւնն էլ իսկպես նույն քաղաքական ուժանտիգմն էր ներկայացնում: Հայերը լավ թե վատ քարենորոգեցին իրենց վարչական հիմնարկութիւնները այնպես, որ ժողովրդի շահերը ավելի լավ պահպանված լինեին: Բայց կարող էին

ներանք բարեկամել նույնպէս թուրք կառավարութեան սիստեմը... կառավարութիւնը... շարունակում էր իր վաղեմի անկերպարան ընթացքը: Հայերու կարծում էին, թե վատ են միայն գաղառական, տեղային թուրք իշխանութիւնները, թե կենտրոնական իշխանութիւնը, Բ. դուռը կարող է զսպել իր ստորին պաշտոնյաներին, եթե լավ տեղյակ լինի նրանց գործած զեղծումներին: Սակայն բանից դուրս եկավ, որ բարձր կառավարութիւնն էլ նույն կամայական անկարգութիւնն էր ներկայացնում: Բարի կամքի պակասութիւնը չէր դժբախտութեան պատճառը, ինչպէս կարծում էին Կ. Պոլսի հայ գործիչները, այլ այն սիստեմը, որ Թուրքիայի պետական կազմակերպութեան հոգին էր ներկայացնում:

Լեոն գտնում է, որ նման պայմաններում, երբ թուրքական կառավարութիւնը ոչ միայն չէր ցանկանում, այլև չէր կարող կյանքի ու գույքի ապահովութեան նվազագույն իսկ պայմաններ ստեղծել իր հպատակների համար, հայ ժողովրդին մնում էր սեփական ուժերով կազմակերպել իր ինքնապաշտպանութեան գործը: «Առաջին իսկ հայացքից,— գրում է նա,— դիտողի առջև դուրս է գալիս մեծ անարդարութեան իսկական պատճառը: Գիշատիչ ցեղեր, զինված ու պատրաստ, ստրկացրել են խաղաղ ու կուլտուրական տարրերը: Այնպիսի մի աշխարհում, ուր կառավարութիւնն իսկապէս չկա, ուր ամեն ինչ հիմնված է կոպիտ ուժի վրա, ուրիշ տեսակի մի հարաբերութիւն չի էլ կարելի երևակայել գիշատիչների ու անպաշտպան երկրագործների մեջ: Միակ միջոցը, անասնական դրութեան հասած կեղեքվածներին մարդկային փոքր ի շատեա պահոված հասարակական կազմակերպութեան բարձրացնելու համար, կլինեն այդ տարրերին ինքնապաշտպանութեան գաղափար ներշնչելը: Զինքի գործածութիւնը միայն կարող էր հայ գյուղացուն գույքի, իրավունքների պաշտպանութեան ամենակտրուկ միջոցը հայթայթել»:

Թուրքական բարբարոս քաղաքականութիւնն այնքանով, որքանով այն ուղղված էր հայութեան դեմ ընդհանրապէս, ճնշում էր հայ ժողովրդի բոլոր խավերին: Սակայն Լեոն այս աշխատութեան մեջ բացահայտում է այն խոր հակամարտութիւնը, որ գոյութիւն ունենալով արեւմտահայ աշխատավորութեան ու շահագործող դասակարգերի միջև, նա ցույց է տալիս, որ թուրքական լուծն առանձնապէս ծանրացած էր արեւմտահայ աշխատավորութեան՝ գյուղացիութեան ուսերին, և այդ իմաստով հայոց հարցը Թուրքիայում «գաղառացի հայութեան հարցն է», և որ «այդ հարցը զուտ գյուղացիական է»: Նա գտնում է, որ հայ հարուստ վաճառականութեան ու պաշտոնեական գոյութիւնը որեւէ նշանակութիւն չունի և որեւէ չափով չի թեթեւացնում հայ գյուղացու վիճակը և որ այս առումով հայ ժողովրդի կողմից թուրքական տիրապետութեան դեմ մղվող պայքարը ոչ միայն ազգային, այլև սոցիալական պայքար է: «Հայատյացութիւնը ամբողջ աշխարհը թնդացնում է այն առասպելներով,— գրում է Լեոն,— թե հայերը պետք է գոհ լինեն իրանց վիճակից Թուրքիայում, քանի որ վաճառականութիւնը նրանց ձեռքումն է, քանի որ պետական ծառայութեան մեջ կարեւոր պաշտոններ են ստանում, իսկ եթե նրանք դո՛հ չէին իրենց վիճակից, ասում է հայատյացութիւնը, պատճառն այն է, որ իրանց սեփական թագավորութիւնն ատեղծելու ցնորքներ ունեին... Մինչդեռ փաստերը, ամբողջ պատմութիւնը աղաղակում են, որ դա բուն ուսուցիչական շարժում է իր էութեամբ, մի շարժում, որի նշանաբանն է «հող

ստորակ գյուղացուն»։ Սկզբում այդ նշանաբանին չէր ավելացվում և կանոնավոր կյանքի համար անհրաժեշտ մյուս մեծ պահանջը՝ «ազատություն»։ ...Առևտրական և պաշտոնյա հայերի բարեբախտության մասին ճառողները անբարեխղճաբար մոռանում են, որ դրանք հայ ժողովրդի մի շնչին մասն են կազմում և իրանց դասակարգային շահերով ուղղակի թշնամի են հողագործ բազմության, որ ազգի ահագին մեծամասնությունն է կազմում։ Այդ մեծամասնությունը գտնվում է ամենախայտառակ ստրկության մեջ, որի նմանը անկարելի է գտնել աշխարհի ոչ մի կողմում»։

Սոցիալական տարբեր վիճակների գոյությունն էլ հենց հայ ժողովրդի տարբեր խավերին ստիպում էր տարբեր վերաբերմունք ունենալ հայ ազատագրական շարժման նկատմամբ։ Չարքաշ ու անապահով կյանքով ապրող հայ գյուղացու համար «հայկական դատի հիմնական էությունը հողային հարցն էր, բարդացած հողային փտած սիստեմի բոլոր հանգամանքներով»։ և, հետևաբար, նրան ամենից առաջ անհրաժեշտ էր հող և այդ հողը մշակելու ու ստացած բարիքների տերը լինելու ազատություն։ Այս իմաստով արևմտահայ աշխատավորությունը կենսականորեն շահագրգռված էր, որպեսզի Արևմտյան Հայաստանը միանա Ռուսաստանին։ Լեոյի կարծիքով Կ. Պոլսի հայ բուրժուական մտավորականության մի որոշ մասը, ընդհակառակը, երբեմն դեմ էր արտահայտվում Արևմտյան Հայաստանի միացմանը Ռուսաստանին՝ ցուցադրելով նեղմիտ բուրժուական մտայնություն և ինչպես հարկն է ծանոթ չլինելով արևմտահայ իրականությանը։ Նշելով դա, Լեոն գտնում է, որ արևմտյան մտավորականության այդ հատվածը «այսպես խոսում և դավանում էր այն պատճառով, որ դատում էր հեռվից, երբեք անձամբ, տեղնուտեղը չշփվելով Հայաստանի իրականության հետ»։ Այդպես մտածում էր քրդի ու փաշաների, ռեյսի հարստահարություններից հեռու ապրող մարդը։ Իսկ հայաստանցիներն՝ Ահա մի օրինակ նույն պատերազմի (Ղրիմի պատերազմի—Ի. Ս.) ժամանակից։ Իշխան Բեհբուջովը 1854-ի նոյեմբերի 18-ին ջարդ ու փշուր արավ թուրքաց բանակը և հազարավոր հայեր ազատեց գերությունից։ Այդ ազատվածների մի ահագին խումբ, թվով ոչ պակաս 1000 հոգուց, բաղկացած տղամարդկանցից, կանանցից ու երեխաներից. ինչպես պատմում է ականատես զինվորը, թափվեց ռուս զորքերի շարքերի մեջ, արտասվելով շնորհակալական իր զգացմունքն էր հայտնում, համբուրելով զինվորների ոտներն ու ձեռները։ Լաց էին լինում ամենքը, լաց եղան և զինվորները... Ահա իրական ոեալ քաղաքականությունը։ Մարդը մի որևէ եկեղեցու, որևէ ազգության, որևէ գաղափարի պատկանելուց առաջ ուզում է լինել իր կյանքի ու գույքի տեր մի մարդ։ Ահա թե ինչու արևմտահայ գյուղացիությունն ավելի վճռականորեն էր հանդես գալիս թուրքական բռնակալության դեմ, ավելի ջերմաբանորեն էր փարում ռուսական կողմնորոշմանը, քան պոլսահայ վերնախավի առանձին ներկայացուցիչները։ Վերջիններս 1877—1878 թթ. ռուս-թուրքական պատերազմի սկզբում բոլորովին այլ վերաբերմունք հանդես բերին դեպի պատերազմող կողմերը, քան արևմտահայ աշխատավորությունը, և «այն ժամանակ, երբ Ներսեսի օրհնությամբ հայ կամավորները մտնում էին թուրք զինվորների շարքերը, Հայաստանում բարձրացած էին տանջվող քրիստոնյաների հեծեծանքները»։ Լեոն խստորեն դատապարտում է Ներսես

վարժապետյանի թրքասիրական ցույցերը պատերազմի նախօրյակին: «Եվ այսպես,— գրում է նա,— Հայոց պարիարքարանը, իրրև արասհայտիչ Կ. Պոլսի հայ խոշոր բուրժուազիայի և ըյուրոկրատիայի ձգտումների, իր հայ-րենասիրական պտրտքը կաաարեց, պատերազմի քվե տալով թուրք կառավարության... Պոլսահայ էֆենդիին կամ աղային ինչ փույթ, որ այստեղ՝ Վանի, Ալաշկերտի, Բասենի, Մուշի շրջաններում պատերազմը պիտի կյանքի կոտարյալ վերջնական խորտակում լինի»։ Լեոն խիստ քննադատում է նաև Կ. Պոլսի ու Թիֆլիսի այսօրինակ գործիչներին, որովհետև Արևմտյան Հայաստանում կաաարվող գաղանթյունների համար նրանք «պաարաստ էին ամբողջ մեղքը թշվառ ժողովրդի վզին գցելու Թիֆլիսի «Մեզուն» գատապարաում վեր թուրքահայերին, որ նրանք գրգռում էին թուրքերին, իալ ու խաշվառով դիմավորելով ոռաաց գորքը»։ Աաելույամբ լցված պոլսահայ ջոջերի նկատմամբ, որոնք իրենց շահերով կապված էին սուլթանական կառավարության հետ, Լեոն գոթախտություն է համարում, որ նրանք են անօրինում հայ ժողովրդի համար րախտորոշ նշանակութուն ունեցող գործերը։

Այսպիսով, Լեոյի հիշյալ անաիպ աշխատությունը մի նոր ապացույց է, որ հայ ազատագրական շարժման, նրա կողմնորոշման հտրցերը քննարկելիս Լեոն կանգնած էր այն ճիշտ աեսակեաի վրա, որ ֆիզիկական ընաշնջման վտանգրց ազատագրվելու, կյանքի ու գույքի ապահովության հասնելու միակ միշոցը հայ ժողովրդի, այդ թվում արևաահայության համար հանգիսանում էր ապտրվ ազգային-ազատագրական պայքարը թուրք-պարսկական զավթիչների գեմ, և որ այդ պայքարում նրան կարող էր օգնել միայն նրա հզոր հյուսիսային հարևանը՝ Ռուսաստանը։

НЕОПУБЛИКОВАННАЯ РАБОТА ЛЕО

ИЛЬИЧ СНХЧЯН

Резюме

Несмотря на отдельные ошибочные положения, высказанные Лео в последние годы жизни, при оценке его научного наследия нетрудно убедиться в том, что он высоко ценил роль России в освободительной борьбе армянского народа против турецкого деспотизма. В этом отношении представляет несомненный интерес одна из неопубликованных рукописей Лео, хранящаяся у его родственников в Тбилиси. Работа, вероятно, написана историком накануне первой мировой войны. Рукопись не озаглавлена и не пронумерована. В этой работе Лео, опираясь на богатый фактический материал, показывает, что в условиях султанского владычества армянский народ, подвергаясь жестокой эксплуатации и преследованиям, вел освободительную борьбу против своих угнетателей и в этой борьбе постоянно пользовался помощью России.